

中國名碑全集

卷四

劉傳喜 彭興林 編著

山東美術出版社

中國名碑全集
卷四

劉傳喜 彭興林 編著



山東美術出版社

目 録

漢 鮮于璜碑	……	〇〇一
漢 楊統碑	……	〇五一
漢 史晨前碑	……	〇七一
漢 史晨後碑	……	一〇二
漢 夏承碑	……	一三四
漢 西狹頌	……	一七〇
漢 郾閣頌	……	二二一

漢 鮮于璜碑



全稱《漢故雁門太守鮮于君碑》。碑刻於東漢桓帝延熹八年（一六五）。碑高二百四十四厘米，寬八十三厘米。篆書題碑額『漢故雁門太守鮮于君碑』。碑陽、碑陰兩面均刻。陽刻十六行，行多則三十五字不等。陰刻十五行，每行多則二十五字不等。文頌鮮于璜生平功績。碑於一九七三年五月於天津市武清縣高村出土，今置天津市歷史博物館。此碑至今未在歷代金石典籍中發現著錄。

《鮮于璜碑》書體隸書。書法方正醇厚，結體穩重大方，是此類漢隸書風作品中的代表。

釋文

漢故鴈門太守鮮于君碑

□諱璜字伯謙其先祖出于殷箕子之苗裔漢膠東相之醇曜而謁者君之曾孝廉君之孫從事君之元嗣也君天姿明達徹矚有芳在母不癯在師不煩岐嶇諱是含好莢常治禮小戴閨族孝友溫故知機輝光篤實升而上聞上郡王府君察孝除郎中遷度遼右部司馬慰綏朔狄邊宇艾安遷贛榆令經國帥下政以禮成民誦其惠吏懷其威喪父去官服終禮闋復應三公之招辟大尉府除西曹屬歲謨屢獻使事日言王人嘉德台司側席蠡爾葦育萬邦作寇冀土荒饑道殣相望帝咨君謀以延平中拜安邊節使銜命二州受莢秉憲彈貶貪枉清風流射有邵伯述職之稱聖上珍操璽符追假永初元年拜鴈門太守折節清行恭儉束脩政崇無爲聲教禁化猷風之尹時依郡烏桓狂狡畔戾君執以威權征其後伏永初之際有勳力于漢室令德高譽遺愛日新內和九親外睦遠鄰免浼息隸爲成其門周無振匱亦古晏臧之次矣當遂功祚究爵永年意乎不造早世而終以延光四年六月壬戌卒于家蓋銘勒之云所以彰洪烈纂乃祖繼舊先非夫盛德惡可已哉於是君之孫魴倉九等乃相與刊山取石表謚定號垂之億載以示昆苗其頌曰於鑠我祖膺是懿德永惟孝思亦世弘業昭哉孝嗣光流萬國秩秩其威娥娥厥額此宜蹈鼎善世令王如何夙隕丁此咎殤國無人兮王庭空士罔宗兮微言喪王機悵兮嘉謀荒旌洪德兮表元功闡君靈兮示後萌神有識兮營壇場延熹八年十一月十八日己酉造唯□行操體□則乾至孝通洞克勤和顏烝烝慄慄可移於官郡□□上宿衛報閔出典邊戎民用永安遂遷宰國五教在仁嗇民□彰家用平康父君不悛弃官奉喪辟踊哭泣見星而行子無隨歿聖人折中 五五之月令丞解喪州辟典部入領治中萬里同風艾用照明大尉聘取上輔機衡遂登漢室出司邊方單于怖畏四夷稽顙皇上頌德羣黎慕涎策書追下銀龜史符到官視事七年有餘民殷和睦朝無願憂勳績著聞百遼詠虞以病去官甘有餘年踰九九永歸幽廬皇上慄慄痛惜歛歆生民之本孰不遭諸歎歎哀哉奈何悲夫君三□大子諱寬字顏公舉有道辟大尉府掾中子諱輔字景公郡五官掾功曹守令幽州別駕小子諱晏字魯公舉孝廉謁者鴈門長史九原令膠東君諱弘字元譽中子諱操字仲經郡孝灌謁者子諱琦字瑋公舉孝廉子諱式字子儀故督郵早卒督郵子諱雄字文山州從事子即君是也

















復應三公之
拓辟大尉府
除西曹屬
謨屬制使事





